

Anda berdepan masalah untuk berkreatif dalam mempertingkatkan lagi mutu kerja. Selain itu anda juga berasa kurang cerdas. Sebenarnya dua perkara ini adalah perkara yang boleh membunuh kerjaya anda.

Selain itu terdapat beberapa lagi perkara yang boleh menyebabkan anda gagal dalam mencapai pekerjaan cemerlang. Carilah cara untuk mengatasinya sebelum terlewat.

1. Fikir diri sudah hebat

Sikap ini tidak mungkin membuatkan seseorang itu kurang pandai dan menurunkan keterampilannya. Tapi sindrom yang membuatkan seseorang itu merasa sudah bijak atau hebat ini boleh menghalang proses belajar seseorang itu.

Ia akan membuatkan mereka merasa tidak perlu lagi belajar dan terjebak dengan kemampuan yang sedia ada sahaja. Jika ingin kecerdasan, kemampuan dan keterampilan terus berkembang jangan pernah merasa diri sudah hebat. Teruslah belajar dan tingkatkan kemampuan.

2. Dihantui perasaan takut

Kebanyakan orang memiliki kemampuan dan kecerdasan untuk berjaya, namun gagal hanya kerana perasaan takut menguasai diri mereka. Bahkan orang pintar pun tidak ke mana jika mereka membiarkan perasaan takut menghalang mereka. Tidak salah punyai perasaan takut, ia normal, namun jangan biarkan perasaan takut ini menghalang jalan kejayaan anda.

3. Tidak percaya diri

Sifat ini akan membuatkan seseorang itu tidak menghargai kemampuan dan kecerdasan diri mereka. Akibatnya, kemampuan dan kecerdasan hilang kerana mereka tidak percaya diri mampu menunjukkan. Anda harus menaruh perasaan yakin terhadap diri sendiri. Bahkan jika banyak kali anda mencuba dan gagal, terus yakin dengan diri. Biarkan diri anda belajar dan pasti akan ada perkembangannya.

4. Membuat batasan diri

Anda berasa tidak boleh mengembangkan perniagaan kerana mempunyai batasan kewangan atau masalah lain. Bebaskan fikiran anda dari perasaan ini. Jika anda terus mencipta batasan tidak boleh membuat sesuatu perkembangan hidup, ia akan menghalang kemajuan diri dan anda takkan dapat mencuba hal-hal baru.

5. Mengambil alkohol

Mengambil alkohol bukan sahaja dilarang dalam agama Islam. Kesan langsung bagi peminum arak ini boleh menurunkan kecerdasan dan kemampuan seseorang untuk berfikir. Alkohol memang tidak boleh membunuh semua sel-sel otak sekaligus, namun alkohol dan ubat-ubatan terlarang boleh membunuh sel-sel otak secara perlahan-lahan. Ia akan membuatkan anda sukar untuk belajar perkara baru.

6. Mencipta dan nilai

Anda mencipta satu konsep tapi kemudian terus menilai dalam tempoh yang singkat. Apa yang dicipta tidak berkembang dan hanya diketahui dalam ruang lingkup yang sempit. Sebaliknya apabila anda mencipta sesuatu produk buat pelaksanaannya. Yakin dengan idea itu dan kembangkan, jangan terus membunuhnya dengan menilai dan mengkritik di tahap awal lagi. ■



6 sikap BUNUH kerjaya sendiri